

Famintinana ankapobeny

Ambaran'ny Lalamporenana fa malalaka ny hevitra sy ny fanehoan-kevitra ara-pivavahana ary voarara kosa ny fanilikilihana ao amin'ny toeram-piasana noho ny antokom-pivavahana. Misy koa lalàna hafa miaro ny fahalahana ara-pivavahan'ny isam-batan'olona manoloana ny fanararaotana ataon'ny fanjakana na ny tsy miakina. Notohizan'ny fanjakana ny fampiharana ny lalàna mikasika ny fizakana ny zom-pirenena izay nivoaka ny taona 2017. Ireo Silamo teraka teto amin'ny firenena dia nilaza fa mafy kokoa ny fiantraikan'io lalàna mikasika ny fizakana ny zom-pirenena io amin'izy ireo, ary na dia misy efa no nonina teto amin'ny firenena nandritra ny taranaka nifamndimbyaza izy ireo dia mbola misy tsy mizaka ny zom-pirenena ihany. Singanina manokana fa io fehezan-dalana io dia tsy ahitàna rafitra mamela ny zaza teraka teto amin'ny firenena, izay nateraky ny ray aman-dreny tsy manana firenena, ho tonga olom-pirenena ho azy 15 ireo vondrom-pivavahana vaovao noraketin'ny Ministeran'ny Atitany nandritra ny taona. Nihena izany raha mitaha amin'ny isa 49 tamin'ny taona 2018 ka 373 ny fitambaran'ireo vondrona ofisialy voarakitra an-tsoratra. Ny volana febroary dia nambaran'ny governemanta tamin'ny fomba ofisialy fa andro tsy fiasana manerana ny nosy ny Aïd al-Fitr sy ny Aïd al-Adha.

Misy ireo Silamo sy mpino avy amin'ny fiangonana protestanta evanjelika no nilaza ny amin'ny fanilikilihana nahazo azy ireo tany amin'ny sehatry ny asa noho ny antokom-pivavahana misy azy. Nisy fiangonana evanjelika iray nilaza fa niharan'ny fanavakahana nataon'ny tompon'andraikitra teo an-toerana izy ireo. Araka ny voalazany dia noferana tamin'ny resaka tabataba izy ireo, raha toa ka tsy nampiharina tamin'ny antokom-pivavahana hafa izany.

Nifampiresaka tamin'ireo tompon'andraikitra tao amin'ny Ministeran'ny Atitany misahana ny ny firaketana an-tsoratra ireo vondrom-pivavahana ny tompon'andraikitra ao amin'ny Masoivo ho amerikana. Nandritra ny taona dia nihaona tamin'ireo mpitondra fivavahana ihany koa ny tompon'andraikitra ao amin'ny Masoivo ho amerikana ary nikarakara sy nampiantrano fiaraha-midiniky ny fiarhamonim-pirenena mahakasika indrindra ny fahalahana arapivavahana, ny volana Novambra. Nihaona tamin'ireo vondrona misahana ny zon'olombelona ihany koa izy ireo momba ireo ahiahy iraisana amin'ny resaka finoana samihafa, ao anatin'izany ny olana momba ny tsy fananana firenena.

Fizarana I. Fitsinjarana ny mponina araka ny finoana arahiny

Araka ny fanombanan'ny Fitondrana Amerikana dia mahatratra 26,3 tapitrisa ny isan'ny mponina (tombana tany antenantenan'ny taona 2019). Araka ny fanisam-bahoaka farany tamin'ny taona 1993 dia ny 52 isan-jaton'ireo no manaraka finoana nentim-paharazana, 41 isanjato ny Kristiana, ary 7 isan-jato ny Silamo. Matetika no ahitana olona mampifandimby anaram-pinoana na mampifangaro fomba, ary maro ny olona mampivady ny finoana nentim-paharazana amin'ny finoana Kristiana na Silamo.

Tombanan'ny mpitarika Silamo sy ny avara-pianarana eo an-toerana ho manodidina ny 20 hatramin'ny 25 isan-jaton'ny mponina ny isan'ny Silamo. Any amin'ny morontsiraka avaratra andrefan'ny nosy no tena maro an'isa ny Silamo; ary ao afovoan-tany kosa no tena maro an'isa ny mpino Kristiana. Raha ny filazan'ireo mpitarika ny finoana Silamo sy ireo avara-pianarana

laika dia Sunnite no ankamaroan'ireo Silamo. Ny taranaky ny Karana sy Pakistaney ary ny Komoriana no maro an'isa indrindra amin'ireo Silamo, na dia tsy mitsahatra mitombo isa aza ireo teratany Malagasy mivadika ho Silamo.

Araka ny tatity ny antokom-pinoana samihafa eo an-toerana dia saika ho ny antsasaky ny mponina no Kristiana. Ireto avy ireo antokom-pinoana Kristiana efatra tena misongadina: Katolika Romana, Loterana, Anglikana, ary ny Fianganon'i Jesoa Kristy eto Madagasikara (FJKM). Misy koa ny vondrona madinika kokoa toy ny Fianganon'i Jesoa Kristy ho an'ny Olo-masin'ny Andro Farany (Mormon), ny Vavolombelon'i Jehovah, ny Fianganana Advantista mitandrina ny Andro Fahafito, ary ny antokom-pinoana evanjelika protestanta miforona eo an-toerana izay mitombo isa.

Misy Hindou sy Jiosy vitsy an'isa ihany koa eo an-toerana.

Fizarana II. Momba ny fanajan'ny fanjakana ny fahalalahana ara-pivavavahana

Rafitra ara-dalana

Ambaran'ny Lalàmpanorenana fa malalaka ny hevitra sy fanehoan-kevitra ara-pivavahana ary voarara kosa ny fanilikilihana ara-pivavahana ao amin'ny toeram-piasana. Misy koa lalàna hafa miaro ny fahalalahana ara-pivavahan'ny isam-batan'olona manoloana ny fanararaotana ataon'ny fanjakana na ny tsy miankina. Voalazan'ny Lalàmpanorenana koa fa izany zò izany dia voafetra raha ilaina ho fierovana ny zon'ny hafa na hiarovana ny filaminam-bahoaka, ny fiandrianam-pirenena na ny fierovana ny firenena. Voararan'ny fehezan-dalàna mikasika ny asa ny fanavakavahana ara-pivavahana any anivon'ny sendika sy ny fikambanana mpiasa.

Voalazan'ny lalàna fa mila misoratra anarana any amin'ny Ministeran'ny Atitany ny vondrom-pivavahana. Izay vondrom-pivavahana voasoratra anarana no mahafeno ny fepetra takian'ny lalàna handraisana fanomezana sy tolota hafa. Azon'izy ireo atao koa ny mangataka alalana tsy handoa hetra isaky ny mandray fanomezana avy any ivelany. Azon'ny vondrom-pivavahana voasoratra anarana amin'ny fanjakana atao ihany koa ny mandray tany amin'ny olon-tsotra mba hananganana toeram-pivavahana; na izany aza anefa, voalazan'ny lalàna fa tsy maintsy averin'ny tompon'ny tany amin'ny fanjakana aloha ilay tany, dia ny fanjakana indray no manolotra izany amin'ilay vondrom-pivavahana. Ny vondrona mahazo misoratra anarana dia izay ahitana mpikambana miisa 100 farafahakeliny, ahitana filan-kevi-pitantanana misy mpikambana voafidy miisa sivy farafahabetsany, izay samy mizaka ny zom-pirenena Malagasy.

Izay vondrom-pivavahana tsy mahafeno ny fitsipiky ny Ministeran'ny Atitany ho an'ny fanoratana anarana dia afaka misoratra anarana ho "fikambanana tsotra", izay tsy manan-jo mandray fanomezana na manao fotoam-pivavahana, fa feran'ny lalàna ho afaka hanao asa sosialy sy fanampiana ny mpiara-belona samihafa fotosiny ihany. Izay fikambanana manao hetsika mety hitera-doza na manakorontana dia mety horavana na hofoanana ny fahazoan-dalana nomena azy hisoratra anarana. Tsy maintsy mangataka lalana tsy handoa hetra ny fikambanana tsotra isaky ny mandray fanampiana avy any ivelany. Raha misy teratany vahiny ny mpitarika na mpikambana ao amin'ny vondrona iray, dia azon'izy ireo atao ny manangana "fikambanana heverin'ny lalàna ho vahiny." Izay fikambanana ahitana mpitarika na mpikambana amin'ny

filan-kevi-pitantanana tera-tany vahiny ihany no heverina ho vahiny. Ny fikambanana vahiny toa izany dia tsy mahazo afa-tsy fahazoan-dalana vonjimaika, izay tsy maintsy havaozina ary arahana fepetra hafa. Tsy voararan'ny lalàna ny fisiana mpikambana vahiny ao anatin'ny fikambanana eo an-toerana.

Tsy manao fanabeazana ara-pivavahana ny sekolim-panjakana. Tsy misy nefà lalàna mandrara na mamerà ny fanabeazana ara-pivavahana any amin'ny sekolim-panjakana na sekoly tsy miankina.

Mitaky fahazoan-dàlana avy amin'ny fitondrana ny hetsika an-kalamanjana rehetra, anisan'izany ny hetsika ara-pivavahana toy ny fanompoam-pivavahana an-kalamanjana.

Nanao sonia ny Fifanekena iraisam-pirenena momba ny zò sivily sy ny zò ara-politika i Madagasikara.

Fomba fanaon'ny firondrana

Nanambara ny mpitarika Silamo fa ilay fehezan-dalàna mikasika ny zom-pirenena dia nisy fiantraikany be ho an'ny fiarhamonina Silamo, saingy tsy dia betsaka noho ny tamin'ny taona rehetra lasa izany. Tsy voaresaka tao amin'ny fehezan-dalana vaovao nivoaka ny taona 2017 ny olan'ireo zanaky ny olona roa samy tsy manana firenena; hany ka mbola tsy afaka nizaka ny zom-pirenena izy ireny na dia efa taranaka maro aza no nonina teto amin'ny firenena. Araka ny fehezan-dalàna momba ny fizakàna zom-pirenena, izay ankizy tsy fantatra ny momba ny ray aman-dreniny dia hanaovana fanombanana miainga amin'ny endriny ivelany, foko nihaviany ary lafin-javatra hafa. Ny fanovana natao tamin'io fehezan-dalana ny taona 2017 io kosa nefà dia nahafahan'ny reny namindra ny zom-pireneny tamin'ny zanany, izay nolazain'ireo mpitarika ny fivavahana Silamo fa nanamaivana ihany ireo olana mifandraika amin'ny famaritana ny zom-pirenena. Nanambara hatrany ny mpitarika Silamo fa ilay fehezan-dalàna mikasika ny zom-pirenena dia nisy fiantraikany kokoa tamin'ny fiarhamonina Silamo raha ampitahaina amin'ny habetsak'izy ireo satria maro amin'izy ireo no taranaky ny mpifindra monina hany ka tsy nahazo ny zom-pirenena Malagasy, na dia efa taranaka maro mifandimby aza no nonina teto amin'ny nosy. Sarotra ho an'ny ankizy taranaka Indiana, Pakistaney ary Komoriana koa ny nahazo zom-pirenena, hany ka maro kokoa ny tahan'ny Silamo tsy manana zom-pirenena. Araka ny fanadihadiana iray natao tamin'ny taona 2014, dia tombanana ho manodidina ny 6 isan-jaton'ny mpikambana ao amin'ny fiarhamonina nanaovana ny fanadihadiana no tsy manana zom-pirenena. Maherin'ny 85 isan-jaton'ireo olona ireo no teraka teto amin'ny nosy.

Ny volana febroary dia nambaran'ny governemanta tamin'ny fomba ofisialy fa andro tsy fiasana manerana ny nosy ny Aïd al-Fitr sy ny Aïd al-Adha. Ny taona lasa rehetra dia ny Silamo ihany no tsy niasa nefà nahazo karama ihany. Araka ny fangatahan'ny fiarhamonina Silamo ihany dia novain'ny fanjakana ho ny 5 Jona ny datin'ny Eid al-Fitr raha tokony ho ny 4 Jona, mba hifanaraka amin'ny tsinam-bolana.

Ny volana Septambra dia nanome baiko ireo mpitantana ny tananan'Antananarivo mba hikatonan'ny fiangonana evanjelika Vahao ny Oloko vonjimaika noho ny fitarainana voaray avy amin'ireo olona manodidina mahakasika ny tabataba mandritry ny tontolo andro sy amin'ny

alina. Tao aorian'ny fitsidihana natao teny an-toerana ny volana Oktobra dia navelan'ireo tompon'andraikitra hisokatra amin'ny ampahany ilay fiangonana, dia ny Sabotsy sy ny Alarobia izany. Nilaza ireo mpitondra ny fiangonana fa nanohintohina ny fahalahahany hivavaka ireo tompon'andraiki-panjakana tamin'ny tsy namelany azy hanohana ireo mpikambana ao amin'ny fiangonana tamin'ny alalan'ny fivavahana tsy miato, ary voalazany fa efa nanao dingana ihany koa izy ireo tamin'ny fampihenana ny tabataba tamin'ny alalan'ny fanatsarana ny fisakanana ny feo tsy hivoaka sy ny fanafoanana ny fotoam-bavaka amin'ny alina. Araka ny voalazan'ireto mpitondra fivavahana ireto ihany dia nisy ny fanavakahana nataon'ireo tompon'andraiki-panjakana azy ireo satria dia tsy nisy ny famerana ireo antokom-pivavahana hafa izay manao hetsika miteraka tabataba ihany koa toy ny fotoam-pivavahana arahina feon-dakolosy.

Niisa 15 ireo vondrom-pivavahana vaovao nisoratra anarana tao amin'ny Ministeran'ny Atitany nandritra ny taona, izay nihena oharaina amin'ny 49 voasoratra nandritra ny taon-dasa; 373 izany ny fitambaran'ny vondrom-pivavahana misoratra ara-panjakana. Nitatitra ny vondrom-pivavahana fa misy fotoana tsy nampiharan'ny fanjakana ny pepetra momba ny fisoratana anarana, ary amin'ny ankapobeny dia tsy misy fangatahana fisoratana anarana nolavina. Ankoatr'izay, dia nanaiky ny fitondrana fa mety hisy vondrona sasany efa voasoratra anarana nanjary tsy niasa intsony na rava mihitsy nefo tsy nampilaza tamin'ny fanjakana.

Nilaza hatrany ny mpitondra fivavahana fa vokatry ny tsy fampiharana araka ny tokony ho izy ny lalàna momba ny asa dia misy ny mpampiasa manery ny mpiasany hiasa mandritra ny ftoana tokony hivavahana. Misy ivon-toerana miahys ara-tsosialy ny mpiasan'ny orinasa marefo, sy ny sendika sasany nilaza hatrany fa misy ireo mpampiasa tsy manaja ny pepetra voalazan'ny fehezan-dalàna momba ny asa mikasika ny fiatoana amin'ny asa mandritra ny 24 ora isan-kerinandro ka nanjary tsy nahafahan'ny mpiasa sasany nandeha niangona ny .

Nilaza ny mpitarika ny Fikambanana Silamo Malagasy, izay mihambo ho misolo tena ny Silamo rehetra eto Madagasikara, fa mbola misy ihany ny Silamo milaza fa sahirana maka antontan-taratasy ara-panjakana toy ny kara-panondro sy pasipaoro noho ny anaran'izy ireo, izay toa Arabo no fahenoana azy.

Mbola nomen'ny Televisiona Nasionaly Malagasy – izay an'ny fanjakana – fotoana tsy andoavam-bola isaky ny Alahady ihany ny Fiangonana Advantista mitandrina ny andro fahafito sy ny Katolika Romana, Loterana, Anglikana ary Presbyteriana isaky ny faran'ny herinandro, ary nanana fotoana in-drav mandeha isan-kerinandro kosa ny fiarahamonina Silamo. Azon'ireto farany natao koa ny nividys ampaham-potoana hanaovana fandaharana amboniny nandritra ny Ramadan. Nilaza ny mpitarika ny fiangonana Kristiana evanelika fanta-daza iray fa mahalana ny fiangonana tarihiny no nomena lalana hampiasa ny onjam-peo sy fahitalavity ny fanjakana, na dia vonona ny handoa ny vola sandan'izany aza.

Fizarana III. Momba ny fanajana ny fahalahahana ara-pivavahana eo anivon'ny fiarahamonina

Nitatitra ny mpikambana ao amin'ny fiarahamonina Silamo fa matetika izy ireo no ampifangaroan'ny olona amin'ny Islamista sy ny silamo mahery fihetsika, ankoatry ny fanasoketana azy ireo amin'ny anaran-dratsy hafa. Araka ny nambaran'izy ireo dia matetika Ny

zaza Silamo, indrindra ny tovovavy, no nahazo anaran-dratsy avy amin'ireo mpiara-mianatra na ireo mpampianatra, toy ny hoe "mpampihorohoro kely" na "mpamosavy".

Misy amin'ireo fiangonana protestanta evanjelika sasany, indrindra ireo izay mitandrina ny Sabata amin'ny andro Asabotsy, no nilaza fa tsy tafiditra amin'ny asa iray izy ireo ary heveriny fa noho ny antoko-pivavahana misy azy no antony. Nisy mpitarika fivavahana amin'ny fiangonana evanjelika iray ao Antananarivo nilaza fa maromaro ireo mpikambana ao amin'ny fiangonana no voaroakan'ny mpampiasa azy noho izy ireo tsy niasa fa namonjy fotoam-pivavahana Sabotsy. Araka io mpitarika fivavahana io ihany dia nisy vehivavy maromaro nampiharan'ny vadiny herisетra satria tsy nifanaraka tamin'ny eritreriny ny antoko-pinoan'ilay vehivavy vadiny.

Nilaza ireo mpitarika ny Fikambanana Silamo Malagasy fa noho ny fanovana tamin'ny fotoana farany ny datin'ny Eid al-Fitr, dia nisy ireo mpampiasa tsy nanome fahazoan-dalana tsy hiasa ireo mpiasa Silamo. Nilaza ireo mpitarika Silamo fa tsy mahazo fisondrotana amin'ny asa ireo vehivavy Silamo miasa amin'ireo orinasa tsy miankina sasany, satria tsy mendrika ho amina toerana ambony ny fomba fiakanjony. Nilaza ihany koa ireo mpitarika fivavahana Silamo fa mahatsiaro menatra ireo vehivavy sy tovovavy Silamo rehefa terena hanaisotra ny saron-dohany any amin'ireo sekoly sasany, na manoloana ny milina mpamoaka vola, na koa rehefa haka sary atao amin'ny kara-panondro na pasipaoro.

Fizarana IV. Politikan'ny Fitondrana Amerikana sy serasera ataony

Nihaona tamin'ny Ministeran'ny Atitany ny tompon'andraikitra ao amin'ny Masoivoho amerikana ny volana Novambra ary niresaka mikasika ny fanahian'ireo fiarahanonina Silamo manodidina ny fanamarinana ny maha olom-pirenena. Ny volana Novambra ihany dia nampiantrano fiaraha-midinika mikasika ny olana manodidina ny fahalalahana ara-pivavahana ny Masoivoho, izay natrehin'ny solon-tena avy amin'ireo antokom-pivavahana sy ireo fiarahanonim-pirenena. Niara-nandinika hetsika iraisana ho fampiroborobona ny zo fototra manodidina ny fahalalahana ara-pivavahana ireo mpandray anjara sy nikaroka sori-dalana vaovao hisian'ny fiaraha-miasa eo amin'ny samy antokom-pivavahana. Nihaona tamin'ireo fikambanana miaro ny zon'olombelona ihany koa ny tompon'andraikitra ao amin'ny Masoivoho ary niresaka mikasika ireo olana iraisan'ireo antokom-pivavahana samihafa ireo, ary anisan'izany ny olana amin'ny tsy fananana firenena.